

Zeitschrift: Annalas da la Societad Retorumantscha
Herausgeber: Societad Retorumantscha
Band: 9 (1895)

Artikel: Ina Canzun davart l' Eccellenzia e Praeminenzia da las Vartids christiauneivlas
Autor: [s.n.]
DOI: <https://doi.org/10.5169/seals-180274>

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation


L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 01.05.2026

ETH-Bibliothek Zürich, E-Periodica, <https://www.e-periodica.ch>



Ina Canzun

davart

I' Eccellenzia e Praeminenzia

da las

Vartids christiauneivlas.

1.

S' igl Pasc de David verd e bi
Vartids er sarimnavan,
Teans quellas car, scha teidle si
Co ellas dischpitavan,
Zund fründli a carinameng
Ludond lur Deus ansemblameng.

2.

In prus Hum vegl stev' ent amiez
C' en Christum er carteva,
La Decisiun las deva lez,
Antiert El buc figeva.
Ca Moises quei Prophet sincer
Truvas cou, ellas levan er.

3.

Cou dischpitau ngè cun raschun
A buc or da Loschezia,
Buc sco la vauna Lgeut d' igl mund,
Ca dovra buc Carezia.
La gronda tgi seig verameng,
Schet Moises cou, lur librameng.

4.

La Songtgadat passav' uss si,
Cun Majestad a Gliergia,
Plidà lg' amprim, fitada bi,
Schent: veits schau ord' memorgia,
Ca senza mei in buc afluss
In sul Carstiaun c' en Tschiel rivass.

5.

Jou schubra Lgisch sai buc vartir,
In pulver da malizia
Volt in buc sin mias Vias ir,
Sch' ei 'l tiers mei en Disgrazia,
In ping malmund offenda mei,
Quei c' ei perfeg, mai quei mi plai.

6.

La Soingtgadat vet strusch plidau,
Sch' udev' in la Gistia.
C' ault sin il Thron vet sa tschantau,
Clummont dad ault aschia:
Da viver pos ti bein mussar,
Mo la Gistia sto trovar.

7.

Quei ca scadin ha meritau,
Ei seig strof ner pagailgia,
Sund jeu ca hai adina dau
A prus ad a canalgia;
Tras mei il prus ven faig beaus,
Mo' gl Nausch ent igl uffiern catschous.

8.

Da mei adin' ei vangeu dau,
Quei ca scadin merita;
P' igl bien tras mei ven gie pagau,
P' igl mal jeu fetg Vandetta,
C' igl prus tras mei ven faig beaus,
Mo' gl nausch ent igl uffiern stuschous.

9.

Jou fetg adina meu Duver,
Jou teidl' er la consciencia,
Raschun dunt jou buc par daner
Par bein ner malvuglienscha;
Parquei uss viv' a villgiuss' ei
La mia conscienza (fantschalla) enten mei.

10.

Ilg mund cun sia vanitad
Vi varga sco sias ovras,
Jou règ en la perpetnadat;
Cuntut O! caras soras!
La prinzipala sund jou bein
Da meu peer nus nagin aflein.

11.

Pazienzi' a Longanimitad,
Uss vengian cumpangiadas,
Plitont cun Fründliadad buntad
Dad ellas ussitadas.
Gisti' adin' ei starmantur
Strengias sco ti dat ei nilgiur.

12.

Pli bi ei gie niess fittament,
A 'gl mund er pli nizeivel
Tras pardunar ven spindrument,
Ach tgei ei pli legreivel!
Igl mund quell fuss senza nus pers,
Nagin en quel viver pudess.

13.

La Spad' a Tun ngissen egl mund,
Sagir tut frir sut sura,
Je milliuns massen mintgi' onn,
Par semper en malhura,
Mo schaniar quei dat agid,
Ca biars (carstians) rivar pon t' igl salid.

14.

Igl mund far viver ei hanur,
Buc verms far ir en fossa,
Cunzund tgi Deus ha ligu or,
Lagrar ei l' ovra nossa.
Mai tras buntad po quei ngir faig,
S' igl fittament nies deit adaig.

15.

Pazienzia quesche po uss tgiou,
A lai plidar la spronza;
Teu dulsch cunfiert nu' ven el nou?
Tras mei ven tia bundonza.
Tras mei latezi' a ver cunfiert,
Da Deus a gli carstiaun ven piert.

16.

Tgi c' ei en chrusch ad andirar
Po buc purtar pazienza,
Sch' 'eu buc seu cor veng a lagrar,
Far ver la beadienscha,
Ca da quest mund tut andirar,
C' igl tschiel buc seig da raschunar.

17.

Igl scür fetg jou vont el stulir,
D' igl tschiel lgi dunt latezia
Ch' el tut martuiri vult sufrir
Schigiont cou tal latezia.
El temma buc crusch a dalur,
Cur Canaan legra seu cor.

18.

Cuschent la spronza, ven il peer
Da gests zund amparneivel.
Quel schet einfalti ei quel er,
C' à nus buc ven sumilgeivel.
Cuntut Derschader teidle nus!
Gie, mai mi scheid tgi essas vus?

19.

La custimanz' a castitad
Ca dein alg muud hundrienscha,
Da nus han tuts vivazitad,
Sch' els nus fan ubadienscha,
Nus ils figein a Deus sumilgions,
Sch' els auden sco nus ses cumonds.

20.

Tgi sbitta nus, po buc mirar
Quei Deus c' ei schi lagreivel,
Beau tgi nus ven savundar,
Beau ei quel statteivel,
Gie ven in nus ault schaziar,
Sch' in tal scadin ven honorar.

21.

Ven in a nus bein savundar,
A rumaner fideivel,
Quel ven ngir velg a giuven star,
Ver spirt, tgierp sanadeivel,
Seu fittament ven targlischar
A zunt en tschiel ilg adalzar.

22.

Prudienscha er Vilgussadat
Han uss er audienza:
Ils lasters jou cun Tapfradat,
Schmarschent tras diligenza,
Mo mia parenta ha adaig,
C' igl narr er sabi vengig faig.

23.

Teu merit o! Gistia ei gronds,
Teu laud a semper cuzza,
Lagrar ner tribular pos tonts,
Sco vengan tiers tia bucca,
Mo soras sch' jeu vi liber gir,
Sch' eis memma gist Türrann sagir.

24.

Pazienzi 'a spronza, o sorurs,
Vus veits savens sin tiara,
Angon dau, buc cunfiert agls prus,
C' han tras vus faig la guera,
Mai sin sablun han bagiau
Biars, memma c' an da vus fidau.

25.

Er nus po teidle Castitad
A cor preng Custimonza:
Buc angonneit tras fründliadat
Er buc tras gittigonza;
Da vandliar antevident,
Nus vus lein ver faig andiment.

26.

Par tuttas nus er vacht figein
Nus partgirein la schonza,
D' igl anamig adaig nus dein,
En caussas d' ampurtonza,
Avon ca quel nou tiers vus seig,
Clummein nus schon: Si vus dasdeit!

27.

Nus si dasdein, a tiers clummein,
O! narras juvantschellas,
Sch' à 'lg anamig carteits schibein,
Scha stizan las fischellas,
Cumpreit, parneit jeli cun vus,
Scha vus spitgar leis sin ilg Spus.

28.

Uss ngé er la fideivladat,
A strusch fö 'lla rivada,
Sch' in scazi vez' in da buntad,
C' ulg qual la fo fittada,
Da seu singiur ca diesch tallents,
Lgi veva dau, a fö cuntents.

29.

Er spigias ella vet rimnau,
Zund bealas a nizeivlas
Par seu patrun er geu quitau,
C' el talas vess lagreivlas;
Cun meun taig quelas er tanet,
Ca buc in sem curdar pudet.

30.

Sin quei la schet, lg' ei buc gidau,
Ca Deus tras grazia spira,
Tonds duns à lgi carstiaun ha dau,
Sch' el tiers quels buca mira.
Jou sund ca muss quels da duvrar,
Sco 'ls marcadonts da profiter.

31.

Tgei laud jou gig ilg meu valzent
Deus ven en sia vangida,
Mai ses fideivels clumar ent
Tiers el schar ver gurbida.
La crunna ven el sez midar,
Tuts vezan schon ch' el ten mei car.

32.

Tras mei ven ei pardunament,
Schet la misericorgia;
Tiers cumpassiun a spindrament
Cor hai jou a memorgia;
Par in ca Christ ven la surdar
Seu fall da cor er deplorar.

33.

Eis in dilg sciöv zund pigliausent,
Ilg vuld la mort laguter,
Er seu cor vit da lagrament,
Jou veng, jou gid cumbattar;
Jou sin sias larmas dunt adaig
A gid à lgi er cun ilg fajg.

34.

A quei bien Deus jou er savund,
C' ei richs da misericorgia
Par cor à mi va seu cummond,
Traig paupers ord cavorgia
Zund bears hai 'ou schon a dreg temps
Tras meu far grazia faig cuntens.

35.

Tiers far digl lein jou prescha hai
A 'ls paupers gid adinna
Tals ean partut je or semnai (rasai),
Jou gid els cun furtinna
A Deu! Sch' jou cou veng or semnar
Sch' a semper pos jou ent rimnar.

36.

Uss passa si la Tapfradat
Cun duns a cun parada.
A 'ls ferms baruns gig en vardat
Tras mei vantschid' ei dada,
Tras mei han ils martyrs er
Dalurs e peinas purtau biar.

37.

A vus jou zund basngiusa sund
Cunzunt aunc cou sin tera,
Nu ca vus meist a vurigiont
P' ilg tschiel figeits la guerra,
Viess anamig ngiss dumingiar
Sch' jou vus vangiss buc tiers a star.

38.

In cor saveits zvar cunfortar
Elg temps da la vantira,
Mo cur in sto en prigel star
Tgi ei lur c' ilg partgira?
Sunt jou cun el scha ven in tal
Saver tgei far er s' ilg gi mal.

39.

Raspost' er la Cardienscha det,
Plida da grondas caussas,
Saveits tras tgi tut ven cundert,
Tras mei ei schild e schonzas;
Jou sunt in tapfer ferm barun,
Pli ferm aff' in nagin s' ilg mund.

40.

Tras la fidonza hai jou vartid,
C' jou tschent sin meu spindrader,
Quel dat bien cor a grond agit,
El ei meu ferm gidader;
Igl anamig quel sto fugir
Cur jou da Christ vi buc guntgir.

41.

Vus tuttas ngissas senza mei,
D' igl Tschiel ngir or serradas,
Sco palgia ngisses vus vontzei
Cun temma sfugiantadas.
La claf ilg Tschiel par arver si
Ha gie meu Deus bein dau à mi.

42.

Cur quellas vevan or plidau,
Sch' aunc duas cumparevan,
C' ascavan struseh alzar ilg tgau,
D' in maun ca trurias stevan,
Cuschevan tgiou, a lur suspirs,
En larmas fovan aunc zunt dirs.

43.

Tgi essas vus, ha Moises gig,
Tgei esses schi curcladas?
Cun larmas a tumeits schi fig,
Tgei essas schi scurdadas,
Leits buc er vus uss passar ent
Par far viess faig ngir cunaschent?

44.

Da quellas inna lur curdà
Giu sin la sia schanulgia,
Sia blaiha vista la curclà,
Vet d' auter buc marvelgias,
Suspect dat ell' in zund figet,
C' igl viver seu fuss buc si dreg.

45.

Jou creig la vess buc sa plirau,
Sch' in tuts pucaus ad ella,
C' ean turpius vess si cargau
Gig, tals faig ha grad quella
La vess sagir buc lamentau
Bearont la culpa tut purtau.

46.

Tal' a la fin cun fleivla vusch,
Hagig jou sund basezia,
Jou mi ludar sai buc sco vus
Stunt pli bugent suletta,
Da mei mi sai 'ou buc fidar,
Jou mai sin Jesum vi mirar.

47.

Zvar Deus ca stat en Tschiel lou si
En gliergia beadienscha
Quel ven a stat er tiers à mi,
Mi dat er cuntantienscha,
Mo grad perquei mi vi bassar
C' el tont hanur à mi po far.

48.

Mo quest o! soras sto jou gir,
Parquei jou sunt vangida,
Par vus rugar da vus gurbir
Cun vus da star unida,
Schilgioc pudess ilg vies s' alzar,
Vus egl uffiern zunt far curdar.

49.

La truria rigla ngè er nou,
Sia rassa fo scarpada,
Seu cor a tgeau vevan s' unneu
Tiers spir malacurada.
Cu 'lg sac da tschendra satschintà
Cun ses cavels ses oegls curclà.

50.

Pitgià seu Brust cun seu maun dreg
Ancunter tschiel mirava,
Quel vid' la chrusch fo seu daleg,
Sin lez la salaschava,
Quittaus vid 'el in biars vaset
Mai sut la chrusch bein quella stet.

51.

Cun mias soras asc' jou buc
Mi cumpongiar jou paupra,
Jou sunt je pitschna enten tut,
Jou sunt er zunt macorta.
Quei temps c' 'ou hai s' ilg mund d' avdar,
Hai jou puccaus da deplorar.

52.

En mei ston tuts s' excercitar,
Schi gig sco els tschou vivan,
Elg tschentament sch' in vol mirar,
Sch' ean gie nagins ca rivan,
Tiers tont grad da perfetgiadad,
C' els stopian buc ver truriadat.

53.

Da mei scadin sto sasurvir
Cur lg' ei da far la prova,
Ver co la carn (il mund) fa ubadir
Sur el pussonza dovra,
Lur sunt' jou guert' a gid bargir
Tiers Deus par grazia survangir.

54.

Tiers in tal zvek lur par rivar,
Ilg mein jou sin Golgotha,
Bun larmas fetsch jou el mirar,
Co Christ puccaus lou porta,
Quei fa in tal lur schon calar
Cun sias vartids da saschladar.

55.

Lur Moisses aunc mirav' anturn,
Sch' ei fuss aunc anqual tg' ina
Ca less plidar avont ilg maun,
Mo el aflà buc inna;
Cuntut schet el uss vi jou dar
Ilg truvament sch' vus leits tadlar.

56.

Cuntut vus gig jou bein dantont
Vus essas zunt lagreivlas,
Mo l' ina à l' outra trer avont,
Fuss faig antiert a tshellas,
Mai inna po buc or fittar
In cor ca dei avont Deus star.

57.

Quei ca Deus sez ha giu uneu,
Quei sto ngir schau ansemen,
Sco 'lg sabi Deus ha stabileu,
A semper star statteivel,
Beau mai quel ei da numnar
Elg qual in tuttas sa aflar.

58.

Mo quest mi par' ei auncalur
Ca inna cou buc seigig,
Cur quella ven scha vi jou lur,
Gir or tgei jou manegig;
En lez' ei forssa laud tont grond,
Ca da seu peer ei buc elg mund.

59.

Ilg tschiel s' arvè si anetgameng
D' ils saraphims bearezia,
Han cumpingiau giu fründliameng
En schubradat Carezia,
Schent quest' ei uss a quella stad
Rigin' en la perpetnadat.

60.

Tut quei c' ilg tschentament ha ent
Consist' en la carezia,
En lez' a Christ 'l ha fundament
Ca tgi ca dovra leza,
Ilg tschentament ha cumplaneu,
Da Deus sumelg' en el ven veu.

61.

Gie vid saséz sch' a Deus ilg cor
In rend' enten carezia,
Demussa quell' er or ad or
Andreg l' excercitescha,
Quel ven en tut cul far s' ilg mund
Deus en carezi' a trer avont.

62.

A ten in car er ilg seu frar,
Da cor c' ei sin terra,
In tal veng er ngir taneus car,
Pagalgia ver zund beara.
En tut in tal ven far andreg
Ilg seu duver cun grond daleg.

63.

A semper dei quei star vardat
Carezi' ei la pli gronda,
Ca stad en la perpetnadat,
A fa sco Deus cummonda,
Cardiensch a spronza mai s' ilg mund
Cun ella van unidas zund.

64.

Cur ti buc sas tgei 'lg ei da far,
Scha dovre ti carezia,
La ven sagir buc t' angonnar
Buc far à tgi tristezia,
Par quella ven tgi star sagir
Deus (Christ) tia spronz' avont falir.

65.

Tatez cuntut per teng ti car
Mo par buc ver svantira,
Sch' ilg plaid da Deus stos ti duvrar
A lgisch da la natira.
Tgi talas reglas ven duvrar
Quel ven buc en zanur curdar.

66.

Teng car er teu parmer carstiaun
Ca Christ spindrau ha era,
Nitz has da quei tgi gig jou ounce,
Elg viver cou sin terra,
Bass cuntadeivel vens a star
Gist a pascheivel ta salvar.

67.

Pli gronda forz' ei buc d' aflar
Tiers tuttas bunnas ovras,
Ca sco carezia nus po dar
La fa zund grondas provas,
Tut bien en ell' ei ussa schon
Lgi deit la crunna bein dantont.
| Ell' eis pli ferma ca la mort
| Lgi deit la crunna bein dabot.

68.

Cur la carezia vet seu tgeau
Fitau bi cun la crunna.
Sch' ha quella gleiti sa zupau
A veva pli c' avunda
La chrusch d' la rigla la parnet
Bufatg ord' maun bitschà a schet.

69.

Vi da la chrusch ei morts vont tems
Quel c' ei carezia schubra,
Ca dat la vitta a 'ls cartents,
Carezi' en els lavura
Tut laud, o! Jesu aud' à tgi
| Mai tes jou sunt uss cou d' anvi!
| Jou tia stunt er quou d' anvi!



